

10/12

irizpena

Adin gabeko pertsonen adopzioari dagokionez aurrera antzean ere Foru Aldundiek bete behar dituzten jarduketa-prozedurak erregulatu dituen ekainaren 17ko 115/2008 Dekretua aldarazi duen

Dekretu Proiektuari buruzkoa

Bilbon, 2012ko ekainaren 15ean



CES
EGAB

Consejo Económico
y Social Vasco

Euskadiko Ekonomia eta Gizarte
Arazoetarako Batzardea



i rizpena 10/12

I.- SARRERA

2012ko maiatzaren 16an, Lan eta Gizarte Gaietarako Sailaren idazkia jaso zen Euskadiko Ekonomia eta Gizarte Arazoetarako Batzordean, ekainaren 17ko 115/2008 dekretua aldatzeko Dekretu Proiektuari buruzko txostena eskatzeko. Ekainaren 17ko dekretu horren bidez, foru aldundiek adingabeen adopzioaren arloan jarraitu beharreko jarduna arautu da, Euskadiko Ekonomia eta Gizarte Arazoetarako Batzordearen ekainaren 27ko 9/1997 Legearen 3.1.b) artikuluan ezarritakoarekin bat etorriz.

Irizpenpean jarritako Dekretu Proiektuaren xedea arau-esparru naturalagoa eta egokiagoa ematea da, adoptatzeko interesa dutenen adina eta adoptatu beharreko adingabeak egokitzeko irizpidea baloratzeari dagokionez. Hala, egokitasun-irizpide hori ez da berez egokitasuna ezesteko eta baztertzeko irizpidea izango.

Berehala igorri zitzaien horren ale bat Batzordearen osoko bilkurako kide guztiei, proposamenak eta iritzia eman ditzaten eta Lan Batzordeari helaraz diezazkieten, Euskadiko Ekonomia eta Gizarte Arazoetarako Batzordearen Funtzionamenduaren Arautegian ezarritakoaren arabera.

Euskadiko Ekonomia eta Gizarte Arazoetarako Batzordea 2012ko ekainaren 8an bildu zen, Irizpen Aurreproiekturako lehen proposamena eztabaidatzeko. Egun berean, Irizpen Proiektu hau onetsi zuen Batzordeak, Ekonomia eta Gizarte Arazoetarako Batzordearen maiatzaren 17ko 8/2012 Lege berria araututa dagoenez, eta Euskadiko EGABren 2012ko ekainaren 15eko osoko bilkurari helarazi eta aho batez onetsi da

II.- EDUKIA

Dekretu Proiektuari buruzko testuak hitzaurrea, artikulua bakarra eta azken xedapena ditu.

Hitzaurrea

Haurrak eta nerabeak zaintzeko eta babesteko otsailaren 18ko 3/2005 Legeak

adopzioaren administrazio alderdiak araupetzen dituela aipatzen da, hain zuzen haurren eta nerabeen babesaren arloan.

Lege horren 83.2 eta 85.4. artikulua arauetara igorri beharra dela bide, foru aldundiek adingabeen adopzioaren arloan jarraitu beharreko jarduna arautu zen ekainaren 17ko 114/2008 Dekretuaren bidez.

Hala, 114/2008 Dekretuaren 11.2.K) artikuluan, haurrak eta nerabeak adoptatzeko egokitasun beharkizunen artean, 3/2005 Legearen 83. artikuluan ezarritako beharkizuna ageri da, hots, *“Adoptatzaileek adoptaziogaia behar bezala garatzeko muga izango ez den adina izatea”*.

10/12j

Bestalde, egokitasuna baloratzeko irizpideak agertzen diren 12. artikuluan n) idatz-zatian, hauxe ezarri da: *“Interesdunen adina haiek adoptatu nahi dituzten adingabeen adinerako egokia izatea.”*

Irizpide biologiko normalizatu bati jarraiki, egokitasun-deklarazioaren unean (dagokion egokitasun-ziurtagiriaren bidez egiten da deklarazio hori), eskatzaileak gazteenaren (bikoteen kasuan) edo eskatzailearen (guraso bakarreko familien kasuan) adinaren eta adingabearen adinaren arteko aldeak 44 urte izan beharko luke gehienez...”

Bestela esanda, adinaren aldean muga bat sartzea baztertu zuen 3/2005 Legeak familia adoptatzaileen egokitasun beharkizun gisa. Hala ere, foru aldundien jarduna arautzerakoan, 114/2008 Dekretuko 12. artikuluko n) idatz-zatian, azkenean, adoptatu nahi dutenen adinaren eta adingabeen adinaren arteko egokitasuna ezarri zen balorazio-irizpidetzat, baina muga kronologiko batekin. Izan ere, artikulua nola idatzi den ikusita, praktikan beharkizun baztertzalea izan da egokitasuna egiaztatzeko multzo orokorrean.

Alabaina, adingabeen adopzioaren arloan izandako aldaketa juridikoak eta sozialak eta Espainian adingabeen adopzioaren arloko Europako Hitzarmena (berrikusia) indarrean jarri direla-eta, indarreko araudia egokitu beharra dago, betiere hauxe kontuan izanik: ezein irizpide ez dela, berez, muga edo adopzioarako egokitasunaren eragilea, eta belaunaldien arteko aldearen irizpidea zentzuz eta gardentasunez aplikatu dadila kasu zehatz bakoitzaren

inguruabarrak aintzat hartuta.

Xedapenak

Artikulu bakarrak ekainaren 17ko 114/2008 dekretuko 12.1.n) artikulua aldatu du. Ekainaren 17ko dekretu horren bidez, foru aldundiek adinekoen adopzioaren arloan jarraitu beharreko jardunbideak arautu dira.

Azken xedapena Dekretua indarrean sartzeari buruzkoa da.

III.- OHARBIDEAK

10/12j

Dekretu Proiektuaren Hitzaurrean aipatzen denez, Haurrak eta nerabeak zaintzeko eta babesteko otsailaren 18ko 3/2005 legearen 83.2. eta 85.4. artikulua arauetara igorri beharra dela bide, ekainaren 17ko 114/2008 Dekretuaren bidez, foru aldundiek adingabeen adopzioaren arloan jarraitu beharreko jarduna arautu da.

83. artikulua. Familia adoptatzaileak.

1. *Haurrak eta nerabeak seme-alabatzat hartzeko egokitasuna behar da, eta horrek betekizun hauek eskatzen ditu:*

- a. *Bizitzeko behar beste baliabide izatea, eta baliabide horiek egonkorrak izatea.*
- b. *Haurraren edo nerabearen arreta bermatzeko moduko osasun-egoera fisikoa eta psikikoa izatea.*
- c. *Adopzioa eskatzen dutenek ezkontzazko edo egitezko elkarte bat egiaztatzen baldin badute, eskaera egin aurretik gutxienez bi urtetan elkarrekin jarraitasunez bizi izana.*
- d. *Familia-bizimodu egonkorra egitea.*
- e. *Familia eta gizarte ingurua haurraren edo nerabearen integrazioarako egokia izatea.*

- f. Adopzioa eskatzen duten pertsonen historian ez izatea haurrarentzat edo nerabearentzat arriskutsu izan daitekeen gorabeherarik.
- g. Jarreretan malgutasuna erakustea, eta egoera berrietara egokitzeko ere bai.
- h. Haurraren edo nerabearen historia pertsonala eta familiarra errespetatzea eta onartzea.
- i. Lankidetzarako eta konpromisorako jarrera baikorra agertzea.
- j. Familia-unitateko kide guztiek adopzioaren aldeko jarrera edukitzea.
- k. Adopzioaren garapen egokirako mugapena izan daitekeen adinik ez edukitzea adoptatzaileak edo adoptatzaileek.
- l. Adopzioa egiteko gogoia erakustea eta, gogo horretan, haurraren edo nerabearen interes gorenari, haren eskubideen babesari eta eskubide horien garapenaren bermeari lehentasuna ematea.

Egokitasun-ziurtagiriak hiru urterako balioa izango du, baina edozein unetan berrikusi ahal izango da, adopzioa egiteko gogoia agertzen dutenen egoera pertsonala edo familiarra aldatu bada.

2. Erregelamendu bidez arautuko da foru aldundiek adopzioaren arloan jarraitu behar duten prozedura.

85. artikulua. Nazioarteko adopzioa.

...

4. Erregelamendu bidez arautuko da foru aldundiek nazioarteko adopzioaren arloan jarraitu behar duten prozedura.

Zehazkiago, egokitasuna baloratzeko irizpideak zein diren agertzen da 12. artikuluan, eta 12. artikulua n) idatz-zatian, interesdunen adina haiek adoptatu nahi dituzten adingabeen adinerako egokia izatea aipatzen da.

Izan ere, egokitasun-deklarazioaren unean (dagokion egokitasun-ziurtagiriaren bidez egiten da deklarazio hori), eskatzailearik gazteenaren (bikoteen kasuan) edo eskatzailearen (guraso bakarreko familien kasuan)

adinaren eta adingabearen adinaren arteko aldea gehienez ere 44 urtekoa izan beharra ezarri da.

n) Interesdunen adina haiek adoptatu nahi dituzten adingabeen adinerako egokia izatea.

Irizpide biologiko normalizatu bati jarraiki, egokitasun-deklarazioaren unean (dagokion egokitasun-ziurtagiriaren bidez egiten da deklarazio hori), eskatzaileak gazteenaren (bikoteen kasuan) edo eskatzailearen (guraso bakarreko familien kasuan) adinaren eta adingabearen adinaren arteko aldeak 44 urte izan beharko luke gehienez.”

Alde hori handiagoa izan daiteke, Foru Aldundiko talde teknikoaren iritziz eta adoptatu beharreko haurraren edo nerabearen interes gorenaren alde, baldin eta behar bereziak dituzten adingabeak adoptatzeko prestutasuna agerrarazten bada, 5. artikuluan zehazturikoaren arabera.

Bikotekideetako batek edo eskatzaileak, guraso bakarreko familiek eginiko eskaerak direnean, 50 urtetik gorako adina duenean, baloratu egingo da bikotearen adinaren aldeak edo eskatzaile bakarren adinak muga ekar dezakeen adingabearen garapen egokirako. Hala denean, irizpide biologiko normalizatua jarraituko da, adoptatu beharreko haurraren edo nerabearen gutxieneko adina.

Hala, nahiz eta 3/2005 Legeak baztertu muga bat ezartzea adinaren aldean familia adoptatzaileen egokitasun beharkizuntzat, foru aldundien jarduna arautzerakoan, 114/2008 Dekretuko 12. artikuluko n) idatz-zatian, azkenean, adoptatu nahi dutenen adinaren eta adingabeen adinaren arteko egokitasuna ezarri zen balorazio-irizpidetzat, baina muga kronologiko batekin. Izan ere, artikulua nola idatzi den ikusita, praktikan beharkizun baztertzalea izan da egokitasuna egiaztatzeko multzo orokorrean.

Alabaina, adingabeen adopzioaren arloan izandako aldaketa juridikoak eta sozialak eta Espainian adingabeen adopzioaren arloko Europako Hitzarmena (berrikusia) indarrean jarri direla-eta, indarreko araudia egokitu beharra dago, betiere hauxe kontuan izanik: ezein irizpide ez dela, berez, muga edo

adopziorako egokitasunaren eragilea, eta belaunaldien arteko aldearen irizpidea zentzuz eta gardentasunez aplikatzen dadila kasu zehatz bakoitzaren inguruabarrak aintzat hartuta.

Irizpenpean jarritako Dekretu Proiektuaren xedea da arau esparru naturalagoa eta egokiagoa ematea, adoptatzeko interesa dutenen adina eta adoptatu beharreko adingabeak egokitzeko irizpidea baloratzeari dagokionez. Hala, egokitasun irizpide hori ez da berez egokitasuna ezesteko eta baztertzeko irizpidea izango.

IV.- ONDORIOA

10/12*j*

EGABk egokitzen du Euskadiko Agiritegiaren Lege Aurreproiektua izapidetzea, betiere organo aholku-emaile honetan egin dituen oharbideekin.

Bilbon, 2012ko ekainaren 15ean

Presidentea O.E.
Juan María Otaegui Murua

Idazkari Nagusia
Francisco José Huidobro Burgos

